


## AKCIJA UPOZORAVANJA NA OPASNOSTI PRILIKOM KORIŠĆENJA PIROTEHNIČKIH SREDSTAVA



Policija Brčko distrikta BiH će i ove godine u saradnji sa pripadnicima Jedinice za deminiranje i EOD operacije Vladinog odjeljenja za javnu bezbjednost i pripadnicima Crvenog krsta Brčko distrikta BiH, povodom predstojećih bajramskih, božićnih i novogodišnjih praznika, a zbog opšte bezbjednosti djece školskog uzrasta (učenici V,VI,VII, VIII i IX razreda), sprovesti akciju edukaciju djece o opasnostima prilikom korišćenja pirotehničkih sredstava.

Ova akcija ima za cilj sprječavanje zloupotrebe pirotehničkih sredstava koji mogu imati za posledicu lakša i teža ranjavanja, kao i oštećenje imovine u vlasništvu građana.

Stoga posebno apelujemo na roditelje da svoju maloljetnu djecu imaju pod nadzorom kada rukuju pirotehničkim sredstvima s obzirom na to da se najveći broj događa prilikom nestručnog rukovanja tim sredstvima i to upravo kod djece i maloljetnika.

Kako biste ovaj put postupili pametnije i izbjegli neželjene posljedice, ne poklanjajte djeci, a ni drugima nešto od čega bi mogli stradati.

Uvijek budite uzor svom djetetu, jer djeca pirotehnička sredstva ne doživljavaju opasnim ako ih i vi koristite. U svakom slučaju obavezno djecu poučite o načinu rukovanja i mogućim posljedicama.

Pirotehnička sredstva nisu igračke. Najčešće su povrede šaka i prstiju, lica i očiju. Riječ je o dubokim povredama u kombinaciji s opeklinama, koje teško oštećuju funkcionalne dijelove šake, živce i tetive. Uticaj topline eksplozije nakon nekoliko dana izaziva odumiranje tkiva, pa je nužno izvesti nekoliko slojeva djelomičnih amputacija. Oči, pak, najčešće stradavaju od opekotina i čestica raketa ili petardi.

Stoga je uvijek bitno preventivno reagovati da bi se izbjegle nesreće jer prilikom rukovanja oružjem i eksplozivom, najčešće stradavaju mlade, neiskusne i nestručne osobe. Također, konzumiranje alkohola česti je uzrok takvih nesreća.

Budite odgovorni i ne podejnjajte dječju zainteresiranost za oružjem, a ako ga posjedujete, čuvajte ga na, za djecu, nedostupnim i zaključanim mjestima. Djeco, ne dirajte nepoznate predmete, ne rastavljajte ih, ne pomičite ih! Zapazite li ih, odmah pozovite roditelje ili policiju!

Podsjećamo Vas na poštivanje odredi Zakona o javnom redu i miru te Zakona o prometu eksplozivnih materija. Takođe naglašavamo da će se prema prekršiteljima ovih Zakonskih odredbi izricati visoke novčane kazne.

Apelujemo na sve građane Brčko distrikta BiH da svojim ponašanjem doprinesu zajedničkom cilju, a to je da da svoje najmilije praznike provedemo mirno i bez narušavanja Javnog reda i mira.

Kao i svake godine, Policija Brčko distrikta BiH će sprovoditi akcije na suzbijanju ilegalne prodaje i distribucije pirotehničkih sredstava, kao i njihove upotrebe na javnim mjestima. Najbolja preventiva je nekorištenje pirotehnikе i drugih eksplozivnih i ubojitih sredstava jer blagdani se mogu proslaviti i drukčije:

**Ijepše, ugodnije i - prije svega - svečanije.**



VAŠA POLICIJA

